

Marokoarraren ustezko hiltzaileak berriaz gezurtatu ditu lekukotasunak

L.F. / BAIONA

Lionel Rodil-ek, joan den ostiralean zendu zen marokoarraren ustezko hiltzaileak, berriro ukatu zituen bere aurkako salaketak guztiak, atzo goizean epailearen bulegoan. Igande goizean jadanik, soldadu gazteak 53 urteko gizonari laguntza baizik ez ziola ekarri deklaratu zion epaileari eta lekukoen adierazpenak gezurtatu zituen berriro atzo. Bestalde, lekukotasunak nahiko desberdinak eta kontrajarririk direla zabaldu zen, galdera franko piztuz. Alabaina, 'heriotzaz' inkulpatu duten Rodil presondegian atxikitzeko erabakia hartu du epaileak, «haren aurkako susmo handiak direlako».

Rodilen preso atxikitzeak ez ditu bazterrak lasaitu Citadelles izeneko auzoan eta marokoarraren heriotzak duda-mudak sortu ditu Baionan. Hala nola, anitzen ustez Rodil ez zen bakarrik gertakizunak izan ziren unean eta auzo baten lekukotasuna aipagai zen, adierazteko talde batek egin zuela defentsarik gabeko gizonaren kontrako eraso. Armadaren adierazpenek ere duda franko piztu dituzte eta zabaldu zuten Rodil baimenik gabe atera zela kasernatik.

Euskal Batasunak eta Ezkerreko Mugimendu Abertzaleak goraki salatu dute marokoarraren heriotza eta MAIA taldeak Paraxutisten Taldea desagertzeko eskatu zuen.

«Behin baino gehiagotan balore militarista, sexista eta, noski, arrazistak daramatzan talde horren presentzia salatu dugu», adierazi zuen MAIA taldeak.

Dena prest urriaren 15ean Tuteran ospatuko den Nafarroa Oinez-erako

Antolatzaileek 80.000 lagun biltzea espero dute ikastolen festan

Heldu den urriaren 15ean Tuteran ospatuko den Nafarroa Oinez-erako dena prest dago, azken ukituak izan ezik. Bost kilometro t'erdiko ibilbidean guztientzat izanen da ongi pasatzeko parada. Argia ikastolak antolatu duen ekitaldi honek Fontellasen eraikitzen ari diren ikastolarentzat dirua lortzea du helburu. Antolatzaileek 80.000 lagun biltzeko itxaropena dute.

IRENE ARRIZURIETA / IRUÑEA

Euskaltzaileek Tuteran dute zita urriaren 15ean, urteroko ohiturari jarraituz ikastolen alde Nafarroan egiten den festa ospatuko baita Nafarroako Erriberako hiriburuan. 'Tutera inoiz baino gehiago' lelopean bost kilometro t'erdiko ibilbidea prestatu du Argia ikastolak. Ibilbidea, Santa Ana mendian zehar igaroko da, Tuterako hiritik kanpo eta bost areatan banatua dago. Irekiera ofiziala goizeko hamarretan izanen da, eta arratsaldeko zazpietan bukatuko dira ekitaldi guztiak. Hirugarren area bereziki umeei eskainia da, beraiantzat hainbat ekitaldi antolatu baitira bertan. Laugarrenak, berriaz, kirola eta musika izanen ditu protagonista, Iñaki Perurena, Nahita nahiez eta Niko Etxart hurbilduko baitira Tuterara. Baina Argiñe Kortak, Argia ikastolak zuzendaria, atzo erran zuenez bigarren area 'ekogunea' izena hartu duena da interesgarriena. «Nekazaritza munduan murgildua egonen da eta Erriberako nekazaritza eta abeltzaintzari buruzko erakusketa txiki bat izanen da, honekin Erriberan, leku lehorra izan arren, gure landaretza ere badugula erakutsi nahi diogu Euskal Herri osoari», zioen Kortak. Era berean, Erriberan topatutako fosilen erakusketa ere paratuko dute bertan.



Argia ikastolak prestatu du Nafarroa Oinez 95.

JOXE LACALLE

Antolatzaileek bi aparkaleku prestatu dituzte, 14.000 auto eta 600 autobus inguru bildu ahal izango dutenak. Iparraldetik, Gipuzkoatik eta Nafarroatik Tuterara hurbilduko direnei Leitzarango autobiatik Irurtzungo saihesbidean Nafarroako autopista hartzea gomendatzen zaie, edo Tuterara doan 121 nazionala hartzea. Aldiz, Bizkaia eta Arabatik doazenek Aragoira doan A-68 autopista hartu behar dute, edo Bilbotik Bartzelona

lonara doan 232 nazionala.

Aurtengo Nafarroa Oinez-ek Argia ikastola Fontellasen egiten ari den eraikuntza berriarentzat dirua lortzea du helburu. Ikastolak eraikuntza berriaren heldu den urteko lehen hiruhilabete koan bukatua egonen dela uste dute Argia ikastolako arduradunek. Fontellasko ikastolak 140 milioi pezetako aurrekontua du, (5,6 milioi libera). Argia orain dela hamar urte sortu zen, eta 114 haur ditu.

'Hik Hasi' euskal irakaskuntzaren partaideentzako hilabetekaria

MONIKA BELASTEGI / BILBO

Kalean dago jada 'Hik Hasi', euskal heziketarako hilabetekariaren lehen alea. Oro har, euskaraz irakasten diharduten hainbat lagun eta erakunderen kezkak gogobete nahi du aldizkari sortu berri honek, eta ekainean proiektua jakinarazteko zero alea kaleratu bazuten ere, gaur hilabetekari izateari hasiera eman dion lehenengo alea eskuragai dago.

Aldizkariaren aurkezpenean Xabier Sarasuak, Gasteizko Marianistetako irakasle eta aldizkariaren erredakzio batzordeko kideak esan zuenez, aldizkari honek bi helburu nagusi ditu; «euskal hezkuntza sistema bat eratzeko oinarri izango den euskal kurrikuluma zehazteko bide izatea batetik, eta, bestetik, euskal irakaskuntzaren partaide garen guztion informazio, eztabaida eta elkargunerako bitarteko bat izatea».

Lehen urratsak ematen ari den aldizkari honek, aspaldidanik euskal hezkuntza munduan dabilen lekukoa berea egin du Sarasuaren hitzetan, hau da, «Euskal Herriaren izaera, nortasuna eta kultur berezitasunak kontuan izanik, etengabe aldarrikatzen ari den irakaskuntza autonomia eta muga administratiboak gainditzeko gure herria egiten ari den ahaleginarekin bat egin du aldizkariak».

'Hik Hasi' hilabetekariaren ezaugarri azpimarragarrienak, izaera nazionala eta euskara hutsean izatea lirateke eta, hauekin batera, sare guztien kezkak eta mugimendu pedagogiko ororen asmo eta ahaleginen topagune eta pantaila izateko nahiak irekitasun eta batasun izaera ematen diola gaineratu zuen Sarasuak.

Egunerokotasuna eta praktikatutasunaren alde apustu egin duen euskal irakaskuntzako hilabetekari honek batik bat 2-18 urte bitarteko irakaskuntzan diharduten irakasle euskaldunei zuzendurik badago ere, «hezkuntzaz kezkatu eta sentsibilizatuta dauden sektore guztietara iritsi nahi luke».

ESKELAK



Clara
Etxeberria
Usandizaga

GURUTZE ZABALZA GURE
LANKIDEAREN AMONA

Egunkaria



Clara
Etxeberria
Usandizaga

(Julian Azkueren alarguna)

Atzo hil zen 83 urte zituela elizakoak eta Aita Santuaren bedeinkapena hartu ondoren.

— GOIAN BEGO —

Haren seme-alabak: Maria Luisa eta Martin Atxaga, Maria Cruz eta Marino Zabalza, Milagros eta Manolo Agirresarobe; bilobak: Nekane eta Jose Goikoetxea, Clari eta Antonio Arruti, Arantxa eta Eduardo Atxaga, Lourdes, Aitor, Gurutze, Izaskun, Asier eta Idurre; birlobak, anaiak, ezkon anai-arrebak, illobak, lengusuak eta gainerako ahaideak.

Haren animaren alde otoitz bat eskatzen dizuete eta arren etor zaitezela, GAUR OSTEGUNA arratsaldeko ZAZPIETAN, SAN PEDRO APOSTOL parroki elizan egingo diren hiletara. Aldez aurretik mila esker.

Lasarte-Oria, 1995eko urriaren 5ean

ZUZENBIDEA: Goikale, 3 - 4. esk.

OHARRA: Gorputz laguntza bere familia artean egingo da.